

LEONTODON BALANSÆ Boiss. (Sect. *Oporina*?)

L. perenne radice horizontali squamosâ extremitate præmorsâ 4-2 cipiti latere inferiori fibras validas cylindricas verticales edenti, foliis omnibus radicalibus oblongo-lanceolatis acutis sinuato-dentatis in petiolum brevem sensim angustatis indumento denso pilis apice 3-5 furcatis constanti canescentibus, caule scapiformi monocephalo nudo vel 1-2 squamulis brevibus obsito sulcato apice incrassato foliis (fructifero) triplò longiore, involucri phyllis linearibus biserialibus exterioribus dimidiò brevioribus inæqualibus dorso pilis elongatis furcatis scabris post anthesin sæpè reflexis, interioribus dorso piloso scabro vel glabro obtusè carinatis tandem coriaceis supernè attenuatis nigricantibus obtusiusculis albo-ciliolatis, corollis.... acheniis brunneis striatis transversè muriculatis supernè sensim attenuatis pappo sordidè albo eis vix breviori superatis, pappi setis uniseriatis basi subdilatatis ferè totâ longitudine plumosis.

*L. hispidum* var. Cosson.

Hab. in latere septentrionali montis *Gebel Toumour* propè *Batna* Africae borealis, cl. Balansa pl. exs. Alg. 1853 N° 1026.

Species meo sensu ab omnibus formis *L. hispidi* distinguenda achenio multò longiori (5 lineas) et imprimis supernè longè attenuato, setarum pappi exteriorum piliformium defectu radiceque indole quæ magis elongata latere inferiori non fibrillas tenues sed fibras crassas cylindricas edit. Indumentum insuper diversum et involucri squamæ multò magis coriaceæ. Pappo in sectione *Oporinâ*, habitu in sect. *Dens leonis* Koch militat.

## TRAGOPOGON STENOPHYLLUM Boiss. et Huet.

Tr. glabrum multiceps collo vaginis fuscis reticulato-fibrosis densè vestito, caulibus simplicibus foliosis monocephalis, foliis radicalibus numerosis e basi sensim angustatâ angustè linearibus flexuosis plicatis subquinque-nerviis margine scabridis caulem dimidium æquantibus, caulinis basi amplexicauli longiùs dilatatis dein lineari-setaceis, supremis abbreviatis, pedunculis sub flore vix incrassatis, involucri basi brevissimè puberuli cæterùm glabri